

DE

# PALPITATIONE CORDIS.

DISSERTATIO  
INAUGURALIS MEDICA  
QUAM  
CONSENSU ET AUCTORITATE  
RATIOSI MEDICORUM ORDINIS  
IN  
ALMA LITTERARUM UNIVERSITATE  
FRIDERICA GUILIELMA  
UT SUMMI  
IN MEDICINA ET CHIRURGIA HONORES  
RITE SIBI CONCEDANTUR  
DIE XIX. M. AUGUSTI A. MDCCCXLVII.  
H. L. Q. S.  
PUBLICE DEFENDET  
AUCTOR  
**FRIEDUBERTUS QUEHL**  
ERFORDIENSIS.

OPPONENTIBUS:

A. EVERMANN, med. et chir. Dr.  
O. SCHALLER, med. et chir. Dr.  
B. KOEHLER, med. et chir. DD.

BEROLINI,  
TYPIS B. SCHLESINGER.





**V I R O**

**CLARISSIMO, DILECTISSIMO**

**C. A. SCHEIBNER,**

**PATERO AMICO**

**NEC NON**

**P A T R I**

**OPTIMO**

H A S C E  
**STUDIORUM PRIMITIAS**  
SACRAS ESSE VOLUIT

AUCTOR.

Sunt aegrotantium habitus, qui, quum de eorum natura ac ratione perversissimae sententiae inter homines litterarum rudes pervulgatae sint, animos temere perturbent, vitae gaudia auferant quique, quamquam per se insontes, effectum, quem in animam ejusque vires exercent, saepius causae demum fiant ejus morbi, quem tanquam per speculum anxia mens viderat. Quantopere ejusmodi homines, quamquam leviter laborantes non modo propinquos suos crucient, sed etiam medicos, et quantam hi saepissime artem et auctoritatem adhibere debeant ad eos sanandos, id quidem cuiusque experientia docet. Dolendum autem est, casus interdum evenire, in quibus medicus ipse, disquisitione accurata et debita rei notitia deficientibus, a illis symptomatibus perperam morbum fatalem credere sibi videtur. Unicum symptoma, quod cadit in morbos diversissimos, nimis cito saepe adhibetur ad morbi naturam definiendam.

Inter omnes tamen anxias aegrotantium habitus nulla fere tantopere perturbat ac cruciat homines, quam cordis palpitatio. Parentes sollicitam liberorum curam habentes in illa saepe praepropere insanabile morbi symptoma et maturae liberorum mortis germen vident: homines adulti palpitazione cordis correpti,

se affectos arbitrantur morbo cordis organico, terrores ipsis ineutiente, qui modum excedunt, eoque difficilius est, istis hominibus de vera rei natura persuadere, quo magis affectus ille nervosus, qui saepe hoc malum excitat, animos depressos et sollicitos reddidit. Atamen medici ipsi sunt maxime propensi, talibus cogitationibus indulgere, partim quod magis suo statu occupati tenentur, partim quod opinio inter multos pervulgata est, difficillimam esse discretu nervosam palpitationem ab organico cordis morbo, quapropter mediei rem in aprieo ponere nequeunt. Quid autem temporis eursu ad hanc opinionem delendam factum sit, quae genera palpitationis medici disereverint, quae ratio adhibenda sit ad ernendam diagnosin, quid denique, quod attinet ad aetiologiam, prognosin, therapiam agendum sit, in sequentibus pagellis, medicorum illustrissimorum experientiae innixi, exponere studebimus.

Cordis palpitatio quum, uteunque res sese habeat ex nimia nervorum excitatione proficiscatur, sibi constat necesse est omni morbi tempore. Diversae formae, quibus apparet, omnino cohaerent cum causarum diversitate et cum variis viis, per quas irritationes illae cum corde commercium habent. Tres autem sunt viae per quas sanguis directe suam irritationem ad cor transfert: primum si largius affluit, velut post duos labores, apud homines succulentos. Deinde si cor nimis implet, id quod vel morbo organi ipsius, vel quodam impedimento alibi posito circulationem regularem fieri non patitur; denique si ejus natura nimis irritabilis est. Ad primum illud genus ex Hopii sententia pertinet palpitatio cordis ea, quae jacturam sanguinis copiosam sequitur. Etiam si enim sanguinis copia minuitur, is tamen adeo extenuatur, ut facilius



per vascula transire atque idcirco quantitate nimia vel celeritate irregulari cor adgreditur. At vero vice versa nervi indirecta vi irritationem transmittunt ad plexum cardiacum inter animi motus, dyspepsiam, hysteriam, alia. Fieri etiam potest, ut nervi atque sanguis simul cor irritent, quod in febris observare poteris.

Palpitatio cordis in universum est excessus fortitudinis aut frequentiae, vel fortitudinis et frequentiae contractionum cordis, quibus harum contractionum egrotans conscius fit, atque saepissime perturbatur. Contractiones interdum adeo leves sunt, ut vix ab egroto cognoscantur, interdum convulsionibus vehementissimis similes. Cordis palpitatio signum morbi semper foret, nisi conditionis physiologicae natura intra certos terminos commutari posset, quin re vera morbus provocetur. Quapropter palpitatio apud homines rarios invenitur, quippe per breve tempus persistens, quae mox praeteriens significat, sanguinis cursum illo temporis momento esse acceleratum. Affectus animi, motus spirituosus, motus musculorum intensiores, maiores atque diuturni labores cordis palpitationem efficiunt, quae mox vehementissima cito praeterit neque in morborum numero habenda est. Manum si pectori hominis imponas, qui correptus est hac cordis palpitatione, per majorem partem in sinistro latere fortius allevari senties. Partem praecordialem si auscultando explores, animadvertes commutationem haud exiguum strepitus cordis, sive sonum sive intensitatem respicis, impulsus systolicus magis est sonorus atque clarius resonat. Nec non diastoles strepitus intensior et celerior. Apud homines, quorum latus pectorale tenuius est, senties ictum brevissimum diastoles in medio cordis summi, quum manum in praecordiali

regione posueris. Inter palpitationem audis cordis strepitus majore ambitu quam normali statu. Aegrotans ipse plerumque hos ictus, utpote firmiores, metallicos, acceleratos, distincte animadvertit. Cordis ictus est potentior atque ciliior, quam corpore integro atque intervalla inter cordis strepitus breviora. Cordis palpitatio simulatque intensa est, strepitum saepissime efficit frictioni similem, qui mox cum systole et diastole cordis conjungitur. Qui quidem strepitus frictione procreantur illa, quam celeriores et strenuiores cordis motiones inter serosas superficies utriusque laminae pericardii efficiunt.

Quae modo commemoravimus, palpitationem cordis semper comitantur. His autem alia superveniunt prout palpitationem aut tantum morborum cordis organicorum vel inflammatoriorum symptoma, aut proprium esse morbum arbitramur, quem recentiores notione neurosis motoriae complectuntur. Ut morbum a prior possimus discernere atque cordis palpitationem ipsam ex rerum illarum, quae hanc comitantur, disquisitione accuratius cognoscere, ante omnia operae pretium esse videtur, singulos cordis morbos, in quibus palpitatio occurrit, diligentius perlustrare, quo facto, hanc modo essentielle modo fortuitum eorum symptoma esse, nobis persuadebimus.

Quanam autem ratione omnino cognoscimus, num cordis morbi adsint: quam ratione locum iis in systemate nosologico assignamus? Cordis auscultatio nobis patefacit hujus et physiologicas et pathologicas functiones. Sani cordis ictus non semper manu sentitur, dum auris et stethoscopium eum distincte animadvertunt; nullo modo tamen ejus diversitates manu sola recte aestimari possunt. Cordis ictus hypertrophici



acceleratur. In palpitatione nervosa est acerrimus, brevis, acceleratus. In cordis dilatatione ictus cordis quoad intensitatem imminuitur ratione extenuationis cordis parietum. Ex eo loco, quo cordis mucro pectoris lateribus alliditur, de situ et magnitudine cordis concludere possumus.

Nomine strepituum spuriorum qualitativas strepitus cordis modificationes intelligimus, quae statu normali animadverti non possunt atque ideo producta functionis anomaliae cordis habendae sunt. Hi quidem sunt: primum strepitus follicularis, qui hocce nomine accuratissime significatur. Comitatur modo systolen modo diastolen cordis, aut primum aut secundum cordis strepitum, qui hac re maximam partem vel omnino tollitur. Invenitur autem in morbis valvularum, hypertrophia cum dilatatione, in palpitatione cordis nervosa. Secundo loco nominandus est strepitus servatus: animadvertitur una cum systole et diastole cordis et a strepitu folliculari differt majore duritie aut acumine, id quod nomine ipso significatur.

Tertio loco commemorandus est strepitus fistularis, velut venti per claustrum foramen spirantis, aut resonatio cordis metallica, quae diu post tactum sonare pergit. Laennec hunc strepitum, nisi per artiarum, in primis carotidis, deorsum, non animadvertit, Hope signum morbi valvularum affert. Praeter hos strepitus spurios nominandus est Gallorum „fremissement cataire“, qui utrum solo tactu, an etiam auribus percipi possit difficile est dictu. Corvisart stridorem animadvertit, si manum poneret in praecordis eumque gigni arbitratur difficili transitu sanguinis per orificia organice coactata. Nomen ei Laennec dedit propter similitudinem cum strepitu, quem feles

edunt, cumque in morbis valvularum interdum sine organico morbo deprehendit.

Percussio in cordis morbis adhibetur, quatenus agitur de situs commutationibus, de amplificatione aut diminutione, de crassitudine aut extenuatione substantiae, de oppletione cavorum per sanguinem, de pericardio liquoribus expanso. Ambiguus redditur usus plessimetri exsudatis, latere anteriore pulmonum hepatisato, tuberculis, aliis. Tales conditiones morbosae in cordis regione augent languorem cumque ulterius progressum audiri patiuntur. Vice versa status marginis pulmonalis emphysematicus sonum clarum edere potest, quamquam cor post pulmones situm condensatum et amplificatum est. Ad explorandos autem cordis morbos pulsum etiam, sanguinis rationem, reactionis symptomata, omnino habitum aegrotantis totum respiciendum esse, non est quod memorandum nobis videatur.

Quibus opus erat ad morborum cordis cognitionem, praemissis, venio ad illos morbos, quorum symptoma palpitatio est. Primum quidem de cordis hypertrophia dicam. Status ille morbosus significatur, quo incrementum substantiae musculorum ob nutritionem nimis lautam aut ex parte aut ex toto locum habet et quem organi ipsius functio aucta comitatur. Morbi hujus tres potissimum sunt formae. Aut parietes sunt aucti, normali cavorum amplitudine (quod est rarissimum ac simplicissimum genus), aut latera sunt densiora atque cavitas amplificata, aut cavitas simul est coarctata. Fidem atque accuratam hypertrophiae imaginem depingit Canstatt, talia componens symptomata. Palpitatio tam vehemens est, ut thorax saepius usque ad epigastrium, imo vero totum corpus et lectus, in quo aegrotans

cubat, perspicue concutiantur: cordis mucronem solito inferius in regione sextae, septimae aut octavae costae, appelli vides; etiam basis pectus elevat circum secundam vel tertiam costam. Pectoris ea pars, quam cor tanta vi pulsatur, perspicue sursum acta est et fornicata. Manus et auris in praecordiis positae singularem vim impulsus percipiunt, ambae concutuntur. Impulsus ille vehemens est, saepius ultra normale cordis spatium diffusus, sentitur etiam sub clavicula sinistra et in regione ventris superiore. Percussione extensio soni fusi cordis regionis circiter unum vel duos pollices in transversum, saepe etiam sursum versus iugulum, et resistentia duplicata percipitur. Quodsi stethoscopio uteris, impulsus audis adauctum, et auscultanti cor inde ab mucrone usque ad basin intumescere videtur. Soni sunt obtusiores atque primus praec omnibus longius protrahitur. Secundus vix auditur. In hypertrophia cum amplificatione soni magis clari sunt atque magno circuitu audiuntur. Aegroti accusant frequentes et vehementes palpitationes, quae initio vasorum irritatione, animi affectibus, corporis labore, pastu, spirituosarum potionum usu, aliis excitantur et augentur, tandem continuae fiunt. Aegrotantes sensum gravitatis queruntur, coarctationis epigastrii: tum apparent molestiae respirationis, quae cundo vel scandendo increseunt initio et praec se ferunt symptomata apnoeae, inter quietem intermittentis. Postea suffocationes, praesertim noctu, aegrotantes cruciant, quae characterem excellunt asthmatico. Tussis raro invenitur, nempe tum demum, cum passiva bronchiorum hyperaemia, vel oedema pulmonum e circulatione turbata accesserunt; interdum haemoptoë. Crebro tamen affectiones capitis, pulsatio cephalica, capitis do-

lor, vertigo, aurium susurrus, photopsiae, impetus apoplectici atque lethargici superveniunt. Pulsus in simplici hypertrophia validus est, plenus, vibrationes conficiens. Denique si circulationis perturbatio augeatur, oedema extremitatum, infiltraciones serosae sequuntur, difficultates respirationis fiunt perpetuae cum anxietate, inquiete et pallore faciei conjunctae.

Palpitationes in hypertrophia et dilatactione cordis primum singulare symptoma esse videntur, vehementissimae autem apparent, si cum hypertrophia vitium valvularum, concretio cordis et pericardii, vitium aortae, conjuncta sunt. Interdum palpitationes audiuntur per distantiam plurium passuum ab aegroto: motione autem et adscensione duplicantur aeque ac vehemens ille irregularis impulsus, quapropter Cruveilhier aegrotantem tum demum explorat, quum is scalam adscenderit, quoniam status ita irritatus facilius cognosci potest. Caeteroquin palpitationes sibi non constant: nam si omnia, quae aegrotum excitare possunt, remonentur, intermittuntur illae, aut remissiones longas faciunt. Apud homines cum crassis pectoris lateribus palpitationes interdum non sunt dilucidae, quin etiam debiliores, quam statu normali, id quod cum summa cordis perfectione simul evenire potest, aut palpitationes sunt validae, quamquam aegrotans eas non sentit. Palpitationes sunt plerumque regulares, ubi hypertrophia est simplex, intermittentes modo fiunt conjunctione cum vitiis valvularum et sub finem morbi. Cordis actio valde perturbatur, quam irregularitatem etiam accidentalia momenta efficere possunt. Paucis si verbis causas hypertrophiae complecti volumus, haud possumus negare, omnibus iis rebus, quae cordis actionem longum per tempus excitent, hypertrophiam



posse gigni. Hae irritationes cordis aut directa via accedunt (hypertrophia primitiva), aut in impedimento positae sunt, quod cor majore labore superare studet. Quibus laboribus adnumerandae sunt passiones excitantes, frequentes palpitationes nervosae, graves corporis contentiones. Apud eos, qui nondum adoleverunt, lautior nutritio circulationem sanguinis auctam provocat. Existunt hypertrophiae signa, quae aetate magis provecta, ubi debita sanguinis arteriosi copia minuitur atque pectoris latera amplificantur, magis magisque evanescunt. Quae res eo magis cor irritant, quo magis temperamentum sanguineum, organismus firmus, media aetas et sexus virilis accedunt. Alterum hypertrophiae genus adducitur commutationibus organicis jam praesentibus, quae vim cordis propulsivam impediunt, ideirco quod impetum auctum ejus exigunt. Ejus modi est concretio cum pericardio, coarctationes et curvationes arteriae pulmonalis, item dilatationes, ubi sanguinis crassiorem columnam promoveri debet cordis vis. Porro omnes pulmonum morbi, qui circulationem impediunt, quales sunt: catarrhus chronicus, hepatisatio, phthisis pulmonalis. Causa morbi, quae frequentissima occurrit, est coarctatio alicujus cordis ostii, plerumque aortae. Tum quidem proxime ea cordis pars fit hypertrophica, quae ante impedimentum posita est. Inde autem stagnatio sanguinis magis retrorsum propagari potest ad sinistrum atrium, per pulmones nimis impletos ad atrium dextrum, ventriculum dextrum, unde quatuor cavitatum latera magis irritari possunt. Inflammatio hypertrophiae tantum consecretivae causa esse potest, neque, ut arbitratur Bouillaud, procreare irritationem nutritivam. Affectio inflammatoria pericardii vel endocardii irritatione fun-

ctionis cordis agit, intumescencia, spissatione endocardii mechanicum circulationis impedimentum oritur. In utroque casu inflammatio remotior est hypertrophiae causa. Hoc quidem loco, quum symptoma tantum et aetiologica momenta cognoscere nostra intersit longiore expositione supersedemus.

Alius morbus, cujus symptoma cordis palpitatio animadvertitur, est dilatatio ventriculorum cordis. De dilatatione cum hypertrophia conjuncta jam egimus. quapropter hic pauca afferre liceat de cordis dilatatione cum extenuatione substantiae. Haec autem dilatatio maximam partem utrumque ventriculum corripit. Macies musculorum substantiae eo usque potest progredi, ut sinistri ventriculi latus tantum duarum linearum crassitiem habeat, et mucro tantum membranam offerat. Summus maciei gradus frequentius occurrit in dextro quam in sinistro ventriculo. Quod ad symptomata dilatationis cordis attinet, cor dilatatum tenues, suppressas et, quo magis morbus progressus est, plus minus anxias, frequentes et extensas palpitationes efficit, quae plerumque longiores sunt, quam in aliis cordis morbis et quoque labore et animi affectu provocantur. Pulsus est tenuis et imbecillus, magna cordis infirmitate parvus; raro et tum demum, quum vitales vires admodum sint confectae, velut in ultimo morbi stadio aut inter longum, continuatum, anxium impetum dyspnoeae, irregularis atque intermittens. Circulatio sanguinis per arterias languida adducit faciem et extremitatum frigus, aegrotantem facit tristem et animum ei surripit. Sanguis quum aegre per ventriculum sinistrum fluit, in pulmonibus accumulatur, quare respiratio difficilis fit catarrhumque gignit, serius ocus cum copiosa, tenui, serosa, pituitosa expecto-



ratione conjunctum. Praeterea oedema pulmonum telae cellulosae, quo dyspnoea admodum angetur, anxia somnia cum subitis pavoribus, passivae haemorrhagiae pulmonum, quibus sanguis fusus, spissus aut sputa purulenta parca evacuantur: quae res apud eos, quorum respiratio est difficilis, signum mortis imminuentis haberi potest. Quod ad physica symptomata attinet, cordis ictus minutus est atque saepenumero curam effugit, imo inter palpitationes ipsas. Si talem invenis, impulsus brevem ad pectoris latera animadvertis, quo auris non tollitur. In magna dilatatione ictus fertur paulo inferior quam statu normali. Si ventriculorum latera tennia non dilatata sunt, strepitus primus sive strepitus ventriculi systolicus clarior, brevior et purior est, quam integro statu: is strepitus comparari potest cum secundo, sive strepitu ventriculi diastolico, cui similem audimus follem aperientes. In autem dilatatio modica exstat, primus strepitus et quod attinet ad fortitudinem secundo est simillimus et si dilatatio demum crescit, non habemus, quo utrumque strepitum et ratione et intensitate discernamus, nisi id, quod primus cum pulsu arterioso una venit, alter minus. Sonus regionis praecordialis inter percussione minuitur dilatatione. Audis strepitum fuscum loco inferiori quam statu sano, et quum languor iste cum cordis ambitu aucto crescat, in hypertrophia cum dilatatione maximus est. Sonus praecordialis tamen esse potest tum quoque fuscus, si cor non dilatatum est, in eo casu, ubi pulmonum margines hepatisati anterieus cordis latus tegunt. At vero interdum cum dilatatione sonus non est fuscus, tum praesertim, quum pulmones sunt emphysematosi et eorum margines inter cor et sternum adiguntur. Phy-

sic symptomata ea, quae dilatationem atriorum certo significent, auscultatio ad hunc usque diem non invenit. Quum autem haec dilatio plerumque valvularum morbos aut ventriculorum amplificationem sequatur, quibus rebus sanguinis per cor circulatio impeditur, de praesentia morbi supra notati licet concludere. Itaque dilatationem ventriculi certo tum augurari possumus, quum latera ventriculi inter et atrium sunt coarctata, magis etiam quum perpetuo aperta habentur; contra atrium dextrum amplificatum esse, erit verisimillimum, quum in hypertrophia cum dilatatione dextri ventriculi vena jugularis sanguine turgeat. Causas dilatationis cordis recentes gallic scriptores in impedimento circulationis sanguinis ponunt. Sanguis colligitur in singulis cavis, eorumque latera mechanice extendit. Et quum musculorum substantia ad auctam efficacitatem erat apta, haec procreat nutritionem aetam, gignit hypertrophiam, fortasse cum dilatatione. In aliis casibus cavitates extenduntur ita, ut simul parietum densitas comminuat, qui macilentis, tenues vi contractiva destituuntur. Morbus igitur eas potissimum cordis partes corripit, quae propter musculos imbecilliores sanguini extendenti minorem repugnantiam opponere possunt: ventriculum dextrum et utrumque atrium. Quapropter non semper ea cavitas dilatatur, quae ante impedimentum posita est. Scilicet ubi aorta coarctata est, ventriculus sinister non facile extenuatur et dilatatur, quem textura valida ab hac dilatatione tuetur; multo prius fit hypertrophicus. Est autem, quod praeter hanc secundariam genesin primariam demonstrare possimus. Cordis fibrae et sine aliquo circulationis impedimento, nimis imbecillae sunt ad sanguinem promovendum. Cavitate

propter vim propulsivam deficientem nimis plenae manent, latera extenuantur et extenduntur. Quam ad eam diathesis hominibus, mulieribus praesertim, innata esse potest. Ad eam excolendam vel aequirendam omnia possunt conferre, quae corpus et singulatim cordis atque sanguinis vitam minuunt. Libidines, imprimis sexuales, morbi per longum tempus protracti et nutritionis processum imminuentes, cachexiae, morbus mercurii abusus, quae universalem dyscrasiam provocant; palpitatio denique cordis nervosa, quae per longum tempus persistit, convulsiones pectoris chronicae, morbi convulsivi in genere. In talibus casibus cor sanguine nimis refertum manet. Genesis morbi rapide fit, ex carditide praegressa prodire potest. Substantia muscularis eo comminuitur, vim contractilem amittit: attamen inflammationem malacia sequi potest aut febris typhosa, quibus amplificatio augetur. Quia si pueri in cordis dilatationem ineidunt, tamen et morbus aetate magis provecta frequentior invenitur. Feminae facilius quam viri afficiuntur, quoniam in puerino cordis parietes illarum exiliores sunt. At vero, cum accesserit medioeris cordis dilatatio, si ratio vivendi aegrotantis normae respondet vitanturque omnia, quae morbi progressus adjuvant, aegrotus ad aetatem usque nunquam provehi potest. Sin dilatatio cum extenuatione magna exstat, maximam partem complures anni elabuntur, priusquam finis vitae semper lethalis eveniat. Hic effici potest hydrope, asphyxia, bronchitis, haemoptysi, apoplexia, emphysemate pulmonum, ruptura cordis ipsa.

In dilatatione cordis partiali, quae imprimis sinistro ventriculo supervenit, palpitationes sunt symptoma singulare, qui tamen morbus post mortem de-

num cognoscitur, quum observationes adhuc factae non sufficiant ad accuratam et certam morbi diagnosis eruemdam.

Attamen morborum cordis parietum et valvularum quoque palpitatio est symptoma, quod praetermitti non debet. Causa anatomica morbi valvularum obstructiva sistitur aut spissatione telae fibroserosae, aut adhaesione partium valvularum inter se, aut mutatione atheromatosa, chondrosi et osteosi, aut denique exercenscentiis, quae in valvulis haerent. Valvularum morbi in eo censiunt, quod cordis ostia coarctant, vel ita quidem, ut aperturae contrahantur, vel ita, ut valvularum structura mutetur et pseudo-productis gravetur itaque solita facilitate et dexteritate aperiri et claudiqueant. Hae tamen coarctatione sanguinis circulationem turbant mechanica ratione et provocant tammodo omnia ea, quae symptomata morbi valvularum haberi possunt. Ea autem symptomata, quae magis universalia et difficilia sunt, paucissimis tantum in casibus ab hoc morbo deducenda sunt, ea potius gignimus arbitramur morbo vigente apparatus muscularis velut dilatatione, hypertrophia, malacia. Non desunt exempla, in quibus homines morbis valvularum aortae admodum affecti per multos annos non male se habebant; ubi autem hypertrophia et cordis dilatatio paulatim evolvuntur, symptomata morbi valvularum magis magisque apparent et summum vehementiae gradum assequuntur. Coarctationem aliquanto gravet valvularum gignere debere symptomata circulationi sanguinis impeditae crederes, id tamen demonstrare nequit, quum cadaverum sectione coarctatio ostiorum gravis sine hypertrophia et dilatatione cordis non facile inveniatur, ita ut haec illi succedere videantur. quae



in et ipsa multum valent ad symptomata procreanda.

Subjectiva et universalia symptomata omnium morborum valvularum et stenocardiae et insufficientiae alicuius cordis eadem sunt atque in aliis affectionibus organicis cordis, quas modo attulimus. Aegrotantes alicuius offerunt palpitationem, anxietatem, asthma, menses suffocationis, lipothymias, pavores e somno, somnia anxiosa, bronchitidem, tussim, turgescientiam venarum angularium, livorem faciei, vertiginem, paroxysmos apoplecticos, oedema, hydropem universalem, infarctionem fere omnium membranarum mucosarum, haemorrhagias passivas, haemoptysin. In valvularum insufficientia ex Littrei sententia signa universa morbi cordis organici minora sunt, quam in ostii alicujus arctatione. Signis physicis tantum diagnosis morbi valvularum constitui potest. Ejus praesentiam tum augurari licet, cum ea morbi cordis organici symptomata palpitatio et pulsus irregularis et inaequalis sibi instans comitatur et cum omnes aut alter cordis sonus constanter strepitu spurio tollitur aut obruitur, ita quod horum strepituum genesis neque a nervosa excitatione, neque a ratione sanguinis anomala, plethora, chlorosi, neque denique ab hypertrophia simplici deducenda sit. Hi strepitus procreant stridorem in regione cordis respondente, qui et manu plus minus percipi potest. — Pulsus, quo cordis efficacitas intimis apparet, sin morbis valvularum esse solet parvus, imbecillus, intermittens, irregularis et inaequalis; prioribus duobus attributis tum praesertim fit conciliatus, cum simul ictus cordis est vehemens. Omnia haec pulsus attributa plus minus perspicua sunt, prout est, quo valvula coarctata invenitur et gradus coar-

etationis ipsius differunt: at vero ex iis vicissim concludere licet de sede et gradu morborum valvularum. Attamen longum est et hujus dissertatiunculae scopo non consentaneum, pulsus rationem in singulis valvularum morbis accuratius depingere, quapropter jam alia, quae hujus loci sunt, symptomata sum descripturus, scilicet strepitus spurios. Valvula simulatque coarctata est, sanguinis per eam transiens vehementius movetur atque ita gignit strepitum spurium. Ille strepitus est mollis magis, prope illi similis, qui folli provocatur, si locus coarctatus mollem habet superficiem, quae sanguinis undam non admodum impedit v. c., ut exemplum afferam, si massa cartilaginosa fibrosa vel excrescentiae verrucosae deponuntur. Contr. strepitus magis raucus est et stridens velut limae sonus, si concrementorum depositorum superficies plana non est, dura, ossea. Strepitus quoque cavi et obtusi sunt, si in ostiis inter atrium et ventricul. existunt, si altius igitur resident et in pectore magis resonant: magis vero stridentes, si a superficie propius absunt, velut in aortae et pulmonalis arteriae initio. Strepitus serratus quoque simillimus est limatorio: quare inter se differant, facilius audiri quam describi potest. Strepitus sibilans musices notam intonat, velut fistula. Stridor autem aut fremitus felinus, quem dicimus, procreatur vibrationibus sanguinis, dum per ostium coarctatum fluit, atque sentitur in regione praecordiali, interdum quoque in arteriis. Hic autem coarctatione aut valvularum semilunarium aut mitralis atque bicuspedalis gignitur atque in his casibus aut ad secundum cordis strepitum additur. Primum strepitus si comitatur, secundum Hope existit sanguinis regulatione inter transitum per valvulam, si secundum



omitatur, impedimento circulationis sanguinis ex atrio in ventriculū inter diastolen ventriculi. Cum altero strepitu tamen rarissime est conjunctus fortasse idcirco, quod fluxus sanguinis inter diastolen non facile tam validus est, ut eum procreare possit. Si statu aegroti valvulae mitralis efficitur, pulsu non animadvertitur. Stridor autem si simul cum strepitu folliculari et aliis strepitibus spuriiis ex eodem fonte profertur, ad hunc etiam saepius additur, non tamen semper, quod ad hanc rem excolendam gradus admodum magnus morbi exigitur. Vitia valvularum cordis et casus ex iis prodeuntes multo frequentiores sunt aetate provecta, quam teneriore, frequentiores apud viros quam apud feminas. Causa hujus rei in eo est, quod depravatio atheromatosa membranae interioris frequentius et imprimis conjuncta est cum commutatione telae, quae majore aetate evenit, quamquam ex parte etiam apud juniores animadvertitur. Causa altera eaque frequentius alterationum valvularum, imprimis earum inflammacionis, chondrosis, osteosis, est processus, rheumaticus et arthriticus, qui maxime pronus fertur ad fibrosam et serosam telam endocardii et endocarditis provocata, quippe quae saepius in valvulis omnia vitia, quae jam descripsimus, relinquat. Producta molliora sunt fortasse nil nisi depositiones pseudo-membranosae, quae sensim cum interiore cordis pariete organicè conjunguntur. Exerescenciae verrucosae verae esse possunt heteroplasmata.

At vero in morbis inflammatoriis cordis palpitatio symptoma constans haberi potest, quod quidem a multis, velut a Baillie et aliis non conceditur. Inflammatio auget organorum affectorum receptivitatem quod ad incitamenta externa aut effectus incitationis

nervorum. Directi effectus irritabilitatis auctae in inflammationibus cordis ejusque appendicum maxime sunt exculti atque praecipua earum symptomata efficiunt. Contractiones parietum cordis, quae irritamento normali sanguinis provocantur, firmiores et celeriores fiunt atque status normalis eodem tempore vehementia contractionum aucta earumque celeritate majorique frequentia commutatur. Qui quidem directus effectus irritabilitatis cordis auctae symptoma est omnibus inflammationibus cordis ejusque appendicum commune. Contractiones cordis fiunt frequentiores et tumultuosae simul atque aegrotus corpus movet aut animo afficitur qui nervorum efficacitatem auget. Haec efficacitas nervorum aucta etiam haberi potest pro sequela irritabilitatis organi auctae, quae omnes cordis ejusque partium inflammationes comitari solet. Febris symptomatice cum hac cordis inflammatione conjuncta est. At in eo, quod organum circulationis ipsum perturbatur, causa palpitationis, irregularitatis, intermissionum, ictus cordis et frequentiae febrilis pulsuum posita est. Morbos cordis diversos, quorum symptoma palpitatio exhibet et hujus symptomatis dignitatem in singulis casibus, sententiis ac experienciis praeclarissimorum hoc in genere virorum adjuti, breviter descripsimus atque nil nobis restat, quam ut cordis palpitationem ceu morbum per se accuratius contemplemur atque de ejus symptomatibus, causis, diagnosi, decursu, prognosi et therapia loquamur.

Palpitatio cordis est nervosus quidam affectus cordis vere spasticus et semper habet rationem singularem omnibus nervosis affectionibus propriam eam ut intervallis modo mutabilibus mox aequis constet dum palpitatio cordis assidua plerumque in commen-

atione organica posita est. Palpitatio cordis velut neurosis motoria diversissimas induit rationes, quarum gradus infimus est motus cordis vel tumultuosus vel solvens cum sensu momentaneo coarctationis et oppressionis. Gradu paulo majore praesertim observatur species quaedam celerum, imbecillorum, irregularium, vagantium ictuum cum anxietate aliqua, respirationis acceleratione et cum sensu pruritus in epigastrio, qui eundem status vel pauca horae minuta vel dimidiam tantumve horam perdurare potest, et revertitur aut mitigis et irregularibus intervallis, aut saepius per diem, praesertim si aegrotans timore vexatur. Proximus gradus fit re vera paroxysmus, qui cordis ictum, strepitum, frequentiam ictuum, qui interdum irregulares fiunt, adauget, praeterea anxietatem multiplicat et dyspnoeam, quin orthopnoeam provocat. Impetus aut hic semel accedit, aut saepius per diem. — In palpitatione cordis nervosa singularitas ictus cordis non tam in ejus vi cernitur, quam in subita et saliente eius indole, conjuncta cum pulsatione artieriarum et sensu impulsu accelerato. Quapropter aegrotans et in hac forma morbi palpitationem cordis magis quam in quacunque alia percipit. Strepitus quasi per aures aegrotantis sonare videtur, praesertim si in lecto decumbit ad latus, quod artieriarum pulsatione movetur. Ad nervosam cordis palpitationem quum nervosarum affectionum complures associantur, velut dolor, sensus aestus aut frigoris in singulis partibus subito evanescentis, vertigo transitoria, tinnitus aurium, fulgore in oculis, quae cubatione aut inclinatione non auferuntur. Desunt tamen, quum sit pure nervosa, vera impetus sanguinis ad cerebrum symptomata, praesertim dolor pulsans in toto capite cum gravitatis et tensionis

sensu, qui inter cubationem et inclinationem valde augetur, permanens denique somnolentia, hebetudo aut insultus apoplectici regulares, velut in hypertrophia. In palpitatione nervosa, Laennec scribit, animadvertis statim ope stethoscopii, cor non magnas dimensiones habere: strepitus est quidem sonorus, sed perspicuus tantum spatio brevior: ictus etiamsi initio validus videantur, exiguam vim habet, atque caput auscultantis non fortius elevat. Hoc ultimum signum et gravissimum ac certissimum esse videtur, si adjungamus pulsationum frequentiam, quae semper major est, quam statu normali. Ad haec symptomata accedit in casibus nonnullis strepitus follicularis et serratus intermittens cordis, interdum arteriarum quoque, qui ex celeritate morbosa, qua sanguis per subitam quasi aegrotam contractionem cordis fertur, mihi videtur pendere. Strepitus spurius cordis tum potissimum animadvertimus, cum cordis actio irritatur: quam ad rem saepe causae minimae sufficiunt, velut affectio animi momentanea, situs mutatio, aut impedimentum, coena, alia.

Quod ad palpitationum cordis aetiologiam attinet, quaedam ad leniorem et dynamicam cordis actionis turbationem invenitur apud corpora juniora, succulenta, imbecilla et item irritabilia, praesertim apud mulieres praemature evolutas, antequam reliqui corporis incrementa eadem ratione processerunt. Praeterea in hanc rem magnopere influunt periodi evolutionis, neque raro videre licet homines juniores, qui celeriter adulti de sensibus anxiis, praesertim in cordis regione, de palpitatione ipsa queruntur: simile quid apud eos interdum animadvertitur, qui aetate proveciore subito pigritiae se dederunt. Teste Bonillaud haec ad palpitationem incitandam imprimis sunt idonea: affectiones



animi graviores, velut lactitia, terror, ira. Attamen et affectus minus vehementes, velut tristitia, melancholia, nostalgia, dummodo permaneant, possunt palpitationem procreare atque huc et palpitationes apud studiosos tam frequentes, quae Edinburgi morbus cordis studiosorum appellatae sunt, referendae videntur. Nimis strenua studia et lucubrationes palpitationum origini imprimis favent. Usus spirituosorum nimius, coenae irritantes omnino interdum ad palpitationum genesis sufficiunt: idem valet de amore physico immoderato, praesertim de onania. Palpitatio cordis nervosa gigni potest plethora. Saepius tamen prodit palpitatio ex statu imbecillitatis, quae plerumque cum universa aut partiali irritabilitate adaucta systematis nervorum conjuncta est. Ita in anaemia et chlorosi, quae sanguinis actura aut morbo ullius chylopoëtici organi profluunt, minima causa sufficit ad eiendam palpitationem. Crebro irritatio spiralis causa palpitationis est, neque unquam apud palpitationes diuturniores columnae vertebrae inspectio negligenda est. P. Frank exemplum palpitationis eceleriter sanatae satis grave narrat applicatione cucurbitarum inter scapulas. — Palpitatio cordis et antagonistica et consensuali cordis irritatione, aut nervorum, qui ejus motum efficiunt, potest iri. Est igitur saepe reflectio morborum organorum abdominalium, velut flatulentiae, verminum, obstructionum, affectionum systematis uterini. Gravidas saepius palpitatione laborare, Canstatt pressione uteri amplificati in venas et circulationis venosae impedimento explicare studet. Quomodo autem circulatione sanguinis impedita ex pulmonum morbis, ex hydropse palpitationes gigni possint, id jam Testa exemplo demonstrat. — At vero rheumaticus processus palpitatio-

tiones quoque procreare potest. Cum palpitatione semper conjuncta sunt alia rheumatica symptomata: palpitationes ipsae sunt dolorificae, atque id singulare habent ut corporis motu, anxietate, aliis adaugeantur. Ubi febris simul adest, transitus in carditidem rheumaticam non procul abest.

Sed jam progrediamur ad diagnosin palpitationis cordis nervosae, ita ut hanc discernamus ab ea, cujus inter organicos et inflammatos cordis morbos mentionem fecimus. Percussione, auscultatione, exploratione et sensu quum cordis magnitudinem definire et de normali aut abnormo valvularum functione, de ostiorum integritate aut coarctatione, de parietum aut hypertrophia aut tenuitate judicare possimus, in palpitatione, quae ex morbo organico cordis non pendet, et inter ejus pulsum ut inter quiescentia intervalla, accurata disquisitione adhibita, facile est dictu, num cordis ambitus magnopere amplificatus sit, et num sanguis libere per ostia et cava hujus organi fluat, nec ne. Porro in palpitatione nervosa impetus incidunt inter perfectam quietem aegroti, saepe affectione animi aut aliis rebus systema nervorum perturbantibus provocati, qui saepe inter motum sub divo mediocrem evanescunt. In palpitatione cordis autem ex organica alteratione orta vehementes corporis motus palpitationes adaugent. Hae moderationes fiunt, si aegrotans horizontalem situm adhibet, aut quieti summae indulget. Palpitationis nervosae origo plerumque ex statu universali corporis explicari potest: omnia autem symptomata morbi cordis localis desunt. In illa vero palpitatione, quae ex organicis cordis morbis prodit, mechanismus actionis cordis turbatus apparet etiam in circulatione pulmonum impedita, in venosae circulationis haesitatione.



oedemate, aliis. In hac denique intervalla libera desunt, signa physicalia morbi cordis et hic valent, in illa autem aegrotans in intervallis plerumque omnino expers est symptomatum actionis cordis turbatae.

Pauca tantum de decursu, exitu et prognosi palpitationis cordis nervosae afferre libet. Palpitationes plerumque sunt periodicae, raro continentes; hae enim auctore Canstatt tum demum fiunt, cum postremo morbus functionalis transeat in alterationem vere organicam. Quaeritur, num palpitationes nervosae per longum tempus protractae organicos cordis morbos procreare possint. Experientia hac de re expedienda non sufficit. Paulisper fortasse casibus longe protractis infirmitate nervorum cordis nutritio ejus minuitur atque eo dilatationis initium sistitur, quod cor tali modo sanguini vehementer affluenti non bene resistere potest. Summos gradus si excipimus, palpitationum paroxysmi magis anxii quam periculosi esse videntur. Actione cordis aucta quum sanguinis circulatio in pulmonibus plus minusve impediatur, ad palpitationem anxietas modo momentanea, modo durans, apnoea, dyspnoea, haemoptysis, hydrothorax, accedere queunt. Palpitationes denique energicae propulsione sanguinis tumultuosa haemorrhagiam aliorum organorum possunt procreare. Nervosae palpitationis curatio plerumque difficillima est, neque unquam morbus tolli potest, nisi vitae totius sensim sensimque inductae. Medicamenta saepius nullo modo prosunt, reactiones procreant inusitatas, et accuratissime sunt igitur degenda. Maxime medici abutuntur medicamentis, quae nervina dicuntur, quae, ut impetus palliative minuatur, frequentius et paulatim majoribus dosibus dantur: his catharsis, ad irritationes in systemate vasorum alte

haerentes inferri potest. — Therapia accuratissime ad individuum quodque adaptanda est, quare esse potest diversissima. Temperans atque simplex ratio vivendi primum desideratur: aegrotus veseatur horis tantum certis victu levi, vitetque omnes substantias inflantes et inflammantes; usus coffeae, theae viridis, vini, in multis casibus plane interdicendus est. Infirmirate universali, usum lactis experiri licet ubi est imitatio, Michaelis gelidae quae potum maxime commendat. Aegrotans omnino regimen subfrigidum servare debet in salubri domicilio, motus leves, sed saepe repetitos facere. Curae, studia strenua, sollicitudines, sanationem maxime impediunt. Medici magnopere debet interesse, ut fiduciam aegrotantium sibi pariat, quippe quum multi sint, qui palpitationem eam pro organico morbo cordis habeant, atque ita aegritudine circumjecti palpitationem sustentent, imo augeant. Ejus modi aegroti paene curati sunt, si medicus ita sollers et felix est, ut errorem iis auferat. Morbi universi curatio pro diversis causis est diversa. Plethora tractanda est secundum praecepta nota: si dysmenorrhoea et turbationes haemorrhoidales cum ea conjunctae sunt, interdum per intervalla quatuordecim dierum de tractiones sanguinis locales et repetitae ex pelvis organis, vel aliae cum fructu adhibentur. Vigente irritabilitate universali, nervorum systematis energiam juvat firmasse balneis, animi remissione, vita rustica. Praeterea flores Zinci, ferrum carbonium, alia medicamenta dari possunt. Gangliorum systema si praesertim aegrotat, ex diversis naturis hypochondria, hysteria curanda est. Hic patientia uti possunt et medicus et aegrotans. Celerius et evidentius mere nervosa imbecillitas ad exitum perducitur, etenim nocen-

tia arcere et tonica medicamenta praebere expedit. — Ad directam et specificam curationem palpitationis, quae partim indicatione causali peraeta, partim eum ea, partim inde ab initio, ubi singularis indicatio et causalis perfici nequit, solet introduci, apta est praesertim herba digitalis, quae specificae in cordis nervos affectum exserit, frequentiam et celeritatem ictuum cordis minuit, harmoniam inter nervum et vas turbatum restituere et cordis ictum magis rhythmicum et aequalem reddere videtur. Adjuvantia quae adhiberi possunt, haec sunt: Hyoscyamus, Aqua Lauro-Cerasi, Opium, Morphinum, alia. Infusio etiam unguenti Veratrini circa cordis regionem recentiori tempore commendata est.



## VITA.

Natus ego sum, Friednbertus Quehl, die VIII mens. Julii anni hujus saeculi vicesimi secundi Erfordiae, patre Georgio, verbi divini ministro, matre Ida e gente Hoffmanniana, quos salvos Deus O. M. mihi servavit. Confessionem addictus sum evangelicae. Primis litterarum elementis in schola urbis patriae imbutus, scholam adii Portensem quae directore Kirchner floret, cui viro clarissimo, uti omnibus scholae praeceptoribus, maximas debeo gratias.

Cursu scholastico absoluto, maturitatis testimonio instructus mense Octobr. anni MDCCCXLIII civibus instituti medico — chirurgici Friderico-Guilelmiani adscriptus sum. Per quadriennium hisce interfui illustrissimorum et celeberrimorum virorum lectionibus:

Cel. Beneke de logice et psychologia; Cel. Turte de physice et pharmacia; Ill. Mitscherlich sen. de chemia et zoochemia; Ill. Link de botanice, de historia naturali; Ill. Lichtenstein de zoologia; Ill. Hecker de encyclopaedia medica, de pathologia generali, de medicinae historia; Ill. Sehlemm de osteologia, de syndesmologia, splanchnologia; Ill. Mueller de anatomia et universa et organorum sensuum et pathologica et comparativa, de physiologia; Cel. Eck de semiotice et therapia generali, de morbis contagiosis et de exploranda militum valetudine; Ill. Mitscherlich jun. d

ateria medica; Ill. Schoenlein et Beat. Wagner de pathologia et therapia speciali; Ill. Horn de morbis psychicis; Ill. Juengken de chirurgia speciali; Ill. Casper de arte formulas rite concinnandi et de medicina forensi; Cel. Troschel de ossibus fractis et luxatis, de arte fascias rite imponendi; Cel. Schmidt de arte obstetricia; Cel. Boehm de acinrgia; Exp. Lauer de medicina militari; Exp. Bruecke de anatomia microscopica; in arte cadavera rite secandi duces mihi ferre viri Ill. Mueller et Schlemm.

Exercitationibus clinicis medicis, chirurgicis, obstetricis, ophthalmiatricis, medio-forensibus interfui virorum Illustrissimorum et Celeberrimorum Casper, Dieffenbach, Juengken, Schoenlein, Trunstedt, Wolff.

Omnibus his viris optime de me meritis quas possum maximas ago gratias semperque habebo.

Jam vero tentaminibus, et philosophico et medico, nec non examine riguroso coram Gratioso Medicorum Ordine rite operatis, spero fore, ut dissertatione thesibusque publice defensis summi in medicina et chirurgia honores in me conferantur.



## **THESES.**

1. Inter morbum serophulosum et tubereulosum discrimen nullum.
2. Haemoptysis symptoma morbi est, neutiquam morbus ipse.
3. Medicus sit minister, non magister naturae.
4. Rheumatismus inter dyserasias referendus est.
5. Febris verminosa statui nequit.





## **THESES.**

1. Inter morbum scrophulosum et tuberculosum discrimen nullum.
2. Haemoptysis symptoma morbi est, neutiquam morbus ipse.
3. Medicus sit minister, non magister naturae.
4. Rheumatismus inter dyscrasias referendus est.
5. Febris verminosa statui nequit.



NARROW GUTTERS

(1-2 CHARACTERS

LOST ON

SEVERAL PAGES)